



## Universitätsbibliothek Paderborn

**D. Bernardi Primi Clarævallensis Abbatis, Ordinis  
Cisterciensium Antesignani, melliflui Ecclesiæ Doctoris  
Sermones In Dominicas & Festa per annum**

**Bernardus <Claraevallensis>**

LX. De Christi itemque nostro descensu & accensu.

**urn:nbn:de:hbz:466:1-39254**

Lapis iste est vel nimia tristitia, vel pigritia, vel duritia, quæ dum cordis aditum obstruit, frustra ad ungendum mortuum mens, vel manus, vel lingua cum quibuslibet aromatibus venit. Sed quoniam scriptum est, *Præparationem cordis ejus audivit auris tua: vident lapidem revolutum, introeunt in monumentum: & quem ungere volebant mortuum; audiunt suscitatum.* Quis hoc indicat? Quis hoc prædicat? Angelus utique testis resurrectionis. Videretur scilicet hujus in quo Christus resurrexit, vultus lætior, aspectus venustior, sermo purior, incessus modestior, & ad omne opus bonum spiritus promptior. Quæ omnia quid sunt aliud, quam quidam internæ resurrectionis hilaris nunciis? Cætera quoque quæ in Christi resurrectione gesta vel dicta sunt, utpote de invento sudario, ac de ipso Domino in Galilæa vivendo, & aliis quæ evangelica continet historia, possunt nimurum juxtaceptam tropologiam interpretari: ut quod historicè præcessit in capite, consequenter etiam credatur fieri moraliter in ejus corpore.

## S E R M O LIX.

De tribus panibus hominis spiritualis.

**A** Mice commoda mihi tres panes<sup>a</sup>. Veniens ad nos de via nostra amicus, *a* *Luc. 11. à* Id est, quilibet conversus proximus; tribus panibus reficiendus est. Primus panis est continentia, qua restringitur corpus, ne deinceps per mortiferas voluptates defluat. Secundus est humilitas, qua instruitur anima, ne de ipsa sua continentia superbiat. Tertius est servor charitatis, quo acceditur spiritus, ut utrumque, id est, corpus & animam in castitate & humilitate perseveranter custodiat. His tribus virtutibus, id est, castitatis, humilitatis, charitatis, tanquam tribus panibus reficitur homo Dei, & robatur, ut secundum Apostolum *b* in die adventus Domini sit integer spiritus, anima & corpus. Spiritum autem voco gratiam, quæ juxta Apostolum eundem *c* adjuvat infirmitatem nostram ne deficiamus, donec suo tempore metamus bonum quod seminavimus. Vocatur primus panis carnalis vel corporalis, secundus rationalis, tertius spiritualis. Hi panes quotiens desunt, à Deo reequirendi sunt. Merito autem tres queruntur, quia tres reficiendi veniunt: Animæ quasi vir, Caro quasi conjunx, Spiritus velut utriusque vernaculus. Et notandum, quod non ait, da: sed *commoda mihi tres panes*, quasi redditus: quia sacerdos peccatori se convertenti debet quidem gratiam divinitus impetrare, fructum vero ejusdem gratiae non sibi debet, sed Deo referre.

## S E R M O LX.

De Christi itemque nostro descensu, & ascensu.

**N**emo ascendit in cœlum, nisi qui de cœlo descendit, filius hominis qui est in cœlo<sup>a</sup>. Dominus & Salvator noster Jesus Christus volens nos docere *a* *Ioan. 3. b* *Uuuu 2* *quomo-*

quomodo in cœlum ascenderemus, ipse fecit quod docuit, ascendit in cœlum. Et quoniam ascendere non poterat, nisi prius ascenderet: descendere autem eum vel ascendere non patiebatur divinitatis suæ simplicitas; quippe quaæ nec minui potest, nec augeri, aut aliquo modo variari: assumpsit in unitatem suæ personæ naturam nostram, id est humanam, in qua descenderet, & ascenderet; viamque nobis qua & nos ascenderemus, ostenderet. Quod totum indicant sancti Evangelii verba proposita. In eo enim quod dictum est, *Nemo ascendit in cœlum, nisi qui descendit, assumptionis humanæ naturæ exprimitur;* in eo autem quod infertur, *qui est in cœlo,* divinitatis suæ incommutabilitas ostenditur. In quibus verbis illud etiam innuitur, quod ipse sit *via* per quam ascendamus; ipse *patria* ubi maneamus; via scilicet transiuntibus, patria pervenientibus. Manens itaque quod erat in natura sua, descendit & ascendit propter nos in nostra: attingens nimirum à fine usque ad finem fortiter, & disponens omnia suaviter<sup>b</sup>. Descendit siquidem quo inferius non decuit; ascendit quo celsius non potuit. Ipsumque descendens egit fortiter, quia virtus erat: ascensum dispositus suaviter quia sapientia erat. *Descendit* autem dictum est, non cecidit: quia qui cadit, sine gradu ruit: qui autem descendit, gradatim pedem ponit.

Sunt ergo gradus in descendendo, sunt in ascendendo. In descendendo primus quidem gradus est à summo cœlo usque ad carnem; secundus usque ad crucem; tertius usque ad mortem. Ecce quo usque descendit. Nunquid amplius potuit? Poterat jam certè rex noster dicere, & quasi quodam operis effectu clamare: *Quid ultra debui facere, & non feci?* Maiorem hac dilectionem nemo habet, ut animam suam ponat quis pro amicis suis<sup>d</sup>. Videlicet descendens, videamus & ascensum. Sed ille quoque triplex est; & eius primus gradus gloria resurrectionis; secundus potestas judicii; tertius confessus ad dexteram Patris. Et de morte quidem meruit resurrectionem; de cruce judicii potestatem: ut quoniam in illa iniuste judicatus est, de illa justam obtineret judicis censuram, ipso post resurrectionem dicente<sup>e</sup>: *Data est mihi omnis potestas in cœlo & in terra.* Ipsam vero servi formam, id est, carnem in qua passus & mortuus est, resuscitatam evexit super omnes Angelorum choros, usque ad dexteram Patris. Quid hac dispositione suavius, ubi mors absorbetur in victoria, ubi ignomina crucis vertitur in gloriam? ut de illa dicant sancti<sup>f</sup>: *Absit mihi gloriari nisi in cruce Domini nostri IESV Christi:* ubi & ipsa carnis humilitas ex hoc mundo transit ad Patrem. Hac ascensione nihil sublimius, hoc honore nihil glorioius dici potest aut cogitari. Sic per incarnationis suæ mysterium descendit & ascensum Dominus: relinquens nobis exemplum ut sequamur vestigia eius.

*Suniamus & nos de mysterio eius moribus nostris exemplum: Qui enim dicit*

*Christi descendens & ascensus expenditur.*

*¶ Sap. 18. a*

*z. Defensus triplex, seu tres eius gradus.*

*s. Esa. 5. a  
d. Ioan. 15. a  
Ascensus quoque gradus tres.*

*¶ Matth. 28. d*

*¶ Gal. 6. 9*

*Dicit se in Christo manere, debet sicut ipse ambulavit, & ipse ambulare.* De-scendamus per viam humilitatis; ponaturque nobis primus eius gradus, id est primus profectus, nolle dominari; secundus velle subjici; tertius in ipsa subiectione quaslibet contumelias, & injurias illatas æquanimiter pati. Primo gradu caruit in cœlo Lucifer ille, qui dixit in corde suo <sup>b</sup>: *In cœlum ascendam, super astra Dei exaltabo solium meum: sedeo in monte testamenti, in lateribus Aquilonis: ascendam super altitudinem nubium, similis ero Altissimo.*

Hæc dicens irreparabiliter eccecidit de cœlo: & hoc ideò fortè, quia omnino intolerabilis superbìa est, velle dominari. Secundo gradu caruerunt primi homines in paradiſo, qui licet sua maluerint voluntate abuti, quam Creatori subjici; non tamen præsumperunt cæteris suæ sortis dominati. Ideo que culpa eorum & pœna longè extitit dissimilis superbiae atque ruinæ dia-boli: unde & divinâ clementiâ quandoque meruerunt reparari. Tertium gradum non habent qui ad tempus credunt, sed in tempore temptationis recedunt.

Hæc dicimus, ut sciamus à quorum imitatione declinare debeamus. Nam & diabolus, & homo uterque ascendere præpostè voluit hic ad scientiam, ille ad potentiam, ambo ad superbiam. Non sic ascendere ve-limus, quin potius audiamus prophetam quærentem quomodo ascenden-dum sit. *Quis, inquit, ascendet in montem Domini, aut quis stabit in loco sancto eius? Innocens manibus & mundo corde, qui non accepit in vano animam suam, nec juravit in dolo proximo suo.* Ubi notandum, quod triplicem gra-dum ascendendi constituit. Primus gradus est innocentia operis: secundus munditia cordis: tertius, fructus ædificationis. Quos gradus miro modo invenimus in superioribus gradibus ascensionis. Ibi quippe fuerat tertius gradus tolerantia injuriarum. Ipsa est enim quæ probat huius ascensionis primum gradum, id est, innocentiam operis. Ibi secundus fuerat patientia subiectionis: & ipsam operatur munditia cordis, quæ est secundus ascen-sionis gradus. Ad hoc enim doctores prælatos habemus, ut cor mundemus, dicente Domino: *Iam vos mundi estis propter sermonem quem locutus sum vo-bis.* <sup>k</sup> Ibi etiam primus gradus fuerat contemptus dominationis: hic ter-tius est fructus ædificationis. *Quisquis autem dominari non appetit, is pro-fecto fructuose præest cæteris instituendis.*

## S E R M O L X I.

De quatuor montibus ascendendis.

**Q**uis ascendet in montem Demini <sup>a</sup>? Ascendit quidem semel Christus cor-poraliter super altitudinem cœlorum; sed & nunc ascendit quotidie spiritualiter in cordibus electorum. Si ergo volumus & nos cum eo ascen-dere, ascendendum nobis est in montes virtutum de vallis vitiorum. Est

V U N D A

autem

<sup>g</sup> 1.Ioan. 2. a  
Christi descendens  
& ascensus quo-modo à nobis i-  
mitandus.

<sup>b</sup> Esaïæ 14. a  
Desensus no-  
stri tres gradus.

<sup>i</sup> Psal. 23. a

Ascensus nostri  
totidem.

<sup>k</sup> Ioan. 15. a

<sup>a</sup> Psal. 23. a